



Broj: 11-11-2-2466/26  
Datum: 29.06.2026. godine

Na osnovu člana 41. stav (1) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2026. godinu, direktor Federalne uprave policije, d o n o s i

**ODLUKU**  
**o izboru najpovoljnijeg ponuđača u predmetu javne nabavke**  
**„Sukcesivna nabavka hrane za službene pse“**

**I.**

Prihvata se prijedlog Komisije za provođenje konkurentskih i pregovaračkih postupaka nabavke, u predmetu javne nabavke „Sukcesivna nabavka hrane za službene pse“, te se okvirni sporazum dodjeljuje ponuđaču „INTER-COM“ d.o.o. Zenica, čija cijena ponude iznosi 23.500,00 KM bez PDV-a.

**II.**

Odabrani ponuđač je dužan, u roku od pet (5) dana, dostaviti dokaze koji su traženi tenderskom dokumentacijom (član 45. ZJN).

**III.**

Po okončanju roka za žalbu ugovorni organ će pozvati izabranog ponuđača zbog zaključivanja okvirnog sporazuma.

**IV.**

Za izvršenje Odluke zadužuje se Sektor za finansije i javne nabavke.

**V.**

Odluka se objavljuje na internet stranici Federalne uprave policije istovremeno s upućivanjem iste ponuđaču koji je učestvovao u postupku nabavke, u skladu sa članom 70. stav (6) Zakona o javnim nabavkama.

**VI.**

Odluka stupa na snagu danom donošenja.

**Obrazloženje**

Federalna uprava policije je provela konkurentski postupak javne nabavke „Sukcesivna nabavka hrane za službene pse“, broj Obavještenja o javnoj nabavci: 1412-7-1-153-3-144/26 od 10.06.2026. godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 23.627,36 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2026. godinu, broj Rješenja o imenovanju: 11-11/4-30-2-1432 od 30.12.2025. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponude evidentno je da je Komisija blagovremeno i pravilno izvršila otvaranje ponude i ocjenu kvalificiranosti ponuđača, o čemu je sačinjen odgovarajući zapisnik u kojem je utvrđeno da je blagovremeno zaprimljena jedna ponuda, i to od ponuđača „INTER-COM“ d.o.o. Zenica, te da nije bilo neblagovremeno zaprimljenih ponuda.

Komisija je konstatovala da je ponuda ponuđača „INTER-COM“ d.o.o. Zenica pravilna i formalno-pravno prihvatljiva, te da ista ispunjava uvjete iz tenderske dokumentacije.

S obzirom da je tenderskom dokumentacijom predviđeno održavanje e-Aukcije, a kako je zaprimljena jedna prihvatljiva ponuda, ista nije provedena, u skladu sa Pravilnikom o uslovima i načinu korištenja e-Aukcije („Službeni glasnik BiH“, broj 80/23). Shodno tome, od strane Komisije je ugovornom organu data preporuka da se okvirni sporazum zaključi sa ponuđačem „INTER-COM“ d.o.o. Zenica, čija cijena ponude iznosi 23.500,00 KM bez PDV-a odnosno 27.495,00 KM sa PDV-om.

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove odluke.

**Pouka o pravnom lijeku:** Protiv ove odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove odluke.

**DIREKTOR**  
**GLAVNI GENERALNI INSPEKTOR POLICIJE**

Igor Marić

**DOSTAVITI:**

- Sektor za finansije i javne nabavke;
- ponuđaču;
- a/a.-

